

N. 22. Sen. 6. L. Ma. P.

# FLORENTII

## CONRII HIBERNI,

EX ORDINE FRATRUM  
MINORVM DE OBSERVANTIA,  
ARCHIEPISCOPI TVAMENSIS.

PEREGRINVS IERICHVNTINVS,  
HOC EST,

*DE NATVRA HVMANA  
feliciter instituta, infeliciter lapsa, misera-  
biliter vulnerata, misericorditer  
restaurata.*

L V C Æ IO.

Homo quidam descendebat ab Ierusalem in Iericho,  
&c. vsque ad finem parabolæ.



PARISIIS,

Apud CLAVDIVM CALLEVILLE, viâ Rhemensi,  
propè Collegium Cœnomanense.

---

M. DC. XXXI.



VRBANO VIII.  
PONTIFICI MAXIMO.

ANCTISSIME PATER,

**S** Florentius Conrius, nuper in Hibernia  
nostra Archiepiscopus Tuamensis, adhuc  
spirans in hoc aureo Vere libello, & no-  
minis famâ sibi superstes, adit SANCTITATEM  
TVAM, eoque auspice in publicam lucem prodire gestit,  
quo Pastore ac principe vniuersa dudum Ecclesia glo-  
riatur. Habet unde hanc à SANCTITATE TVA  
gratiam speret, olim, cum adhuc in inferiori dignitate  
sed iam maxima dignus emicares, sacris tuis manibus,  
rara & inuidenda felicitate in Archiepiscopum ordina-  
tus. Sicut ergo tunc per te diuinissimo regij Sacerdotij  
charactere insignitus, accepit gratia fontem quem in re-  
liquos fideles effunderet, ita nunc à te postulat, ut quam  
ipsi tum benedictionem impertuisti, eam nunc ipse ope-  
ri impertire velit. Verum quanquam hic liber aucto-  
ris sui tum sincera pietate atque eruditione mirabili,  
tum priuatis etiam nominibus BEATITVDINI TVÆ  
non commendaretur, satis tamen cum ipsa per se mate-

APPROBATIONES.

**L**egimus tractatum hunc, de natura humana feliciter instituta, infeliciter lapsa, miserabiliter vulnerata, misericorditer reparata quem Author illustrissimus & Reuerendissimus D. D. frater Florentius Conrius Archiepiscopus Tuamensis Peregrinum Iericunthinum, inscripsit, Quantum ad doctrinam, Augustini omnino esse videtur; Quantum ad pietatem, Christianam de se humiliter, de gratia Salvatoris alte sentire docet; opus Idcirco dignum quod in lucem prodeat. Datum Parisiis in Sorbona anno Domini millesimo sexcentesimo quadragesimo primo die 8. Maii.

A. DE HODENCO L. HERMITE.

**E**go infra scriptus in sacra Theologiae facultate Parisiensi Doctor, testor me legisse librum cuius titulus est, Florentij Conrij Archiepiscopi Tuamensis Peregrini Iericunthinus, in quo nihil inveni contrarium fidei Catholicae Apostolicae & Romanae, in cuius rei fidem hic subscripsi die 4. Septembris anno Domini 1641.

V A Q V E T T E.

**Q**uam Augustini doctrinam esse paucis & per compendium sed abunde probat doctissimus Archiepiscopus, approbatione nostra non indiget. Quis enim quam esse sciat Augustini de gratia & peccato sententiam, nesciat esse Apostoli ac proinde eius qui vere de seipso dicit Ego sum via, veritas & vita, Ideoque fidei potius nostrae obsequio digniorem, quam humanae scientiae approbatione? Vnum hoc igitur presentibus syngraphis nos infra scripti sacrae Theologiae Parisiensis facultatis Doctores testatum volumus, hanc Augustini esse doctrinam & Doctorem hunc illustrissimum fidelem totique Ecclesiae vtilem in exscribendis Augustissimi Patris de gratia & peccato, tum verbis tum sententiis operam nauauisse. Datum Parisiis die duodecima mensis Septembris anno 1641.

I. BOYRGE OIS I. MALEVDE.



## AD LECTOREM.

**Q**UOD sanctus ille Simeon in Templo de puero IESU Domino nostro prophetavit, *Etce positus est hic in ruinam* Luc. 2. & in resurrectionem multorum in Israël, & in signum cui contradicetur, id profecto eidem illi saluatori rectè conuenisse, nimirum ei qui in hunc mundum descendit quo suâ gratiâ genus humanum saluum faceret, rerum post ipsius aduentum gestarum successu declarari affirmamus. Quis enim vnquam posterorum Adam in Ecclesia Dei surrexit, quis in aliqua sanctitate emicuit, nisi per dicti pueri gratiam? aut quis vnquam passus est ruinam, nisi inuentus indignus qui eius gratiam reciperet, qua aut erigeretur, aut sese conseruaret, quo minus inter ruinam patientes annumerandus veniret? Sanè inter eiusmodi naufragos celeberrimi semper extiterunt qui pueri IESU gratiæ se directè & speciatim opposuerunt, de quibus loquitur Apostolus; *Israël verò sectando legem iustitia, in legem iustitia non* Rom. 9. *peruenit. Quare? Quia non ex fide, sed quasi ex operibus. Offenderunt enim in lapidem offensionis, sicut scriptum est:* Isa. 8.